

Amal qilish sohasi

3. Mazkur standart xo‘jalik yurituvchi sub‘yektlar tomonidan moliyaviy investisiyalarni buxgalteriya hisobida va ular to‘g‘risidagi axborotlarni yoritib berish uchun qo‘llanilishi lozim.

4. Xo‘jalik yurituvchi sub‘yekt moliyaviy investisiyalarni mazkur standartning 7 — 28-bandlarida bayon qilingan tartibga muvofiq yuritadi va ular quyidagi masalalarni o‘z ichiga oladi:

4.1. Moliyaviy investisiyalarni (qisqa muddatli va uzoq muddatli) toifalariga qarab tasniflash;

4.2. Moliyaviy investisiyalar qiymatini aniqlash va ularni moliyaviy hisobotlarda aks ettirish;

4.3. Moliyaviy investisiyalarni bir toifadan boshqasiga o‘tkazish;

4.4. Moliyaviy investisiyalar qiymatining qaytarilmaydigan pasayishi.

5. Mazkur standartda quyidagilar ko‘rib chiqilmaydi:

5.1. Foizlar, royalti, dividendlar va ijara haqi shaklidagi investisiyalar bo‘yicha olingan daromadlarni tan olish asoslari (BHMS «Asosiy xo‘jalik faoliyatidan olingan daromadlar» ga va BHMS «Lizing hisobi» ga qarang);

5.2. Sho‘ba jamiyatlarga investisiyalar (BHMS «Konsolidasiyalashgan moliyaviy hisobotlar va sho‘ba jamiyatlarga investisiyalarni hisobga olish» ga qarang);

5.3. Birgalikda faoliyatga investisiyalar (BHMS «Birgalikda faoliyatdagi ishtirok ulushini moliyaviy hisobotda aks ettirishga» qarang);

5.4. Gudvill, patentlar, savdo markalari va shunga o'xshash boshqa nomoddiy aktivlar;

5.5. [BHMS](#) «Lizing hisobi» da keltirilgan ta'rifga mos keladigan moliyaviy lizing.